

Stáhtarádi ásahus

Meahciráddehusas

Stáhtarádi mearrádusa mielde mearriduvvo Meahciráddehusas addojuvvon lága (234/2016) 39 §:a 3 momeantta, 41 §:a ja 43 §:a vuodul:

1 §

Stivra

Dasa lassin mii Meahciráddehusas addojuvvon lágas (234/2016), maŋŋelis *meahciráddehusláhka*, mearriduvvo, de stivrra lahtuin okta galgá ovddastit Eana- ja meahccedoalloministeriija ja okta Birasministeriija.

Stivrra lahtus galgá leat Meahciráddehusa oppalašdoaimmaid dahje fitnodatdoalu áššedovdamuš.

2 §

Stivrra doaimmat

Meahciráddehuslága 12, 19 ja 33 §:s mearriduvvon doaimmaid lassin stivra:

- 1) mearrida fitnodatdoaimma haddemearridanprinsihpain ja haddemearrideapmái guoskevaš mearridanválddi geavaheamis;
- 2) mearrida fitnodatdoaimma álggaheamis ja loahpaheamis;
- 3) nanne Meahciráddehusa bargoortnega;
- 4) mearrida Meahciráddehusa almmolaš hálddahušdoaimmaide ja daid ruhtadeapmái guoskevaš soahpamušaid prinsihpain, dan maŋŋá go lea ožžon hálddahušdoaimmaid ovttaga cealkámuša;
- 5) mearrida meahciráddehuslága 4 §:a 2 momeanttas oaivvilduvvon ossosiid, osolašvuodaid dahje lahtovuodaid háhkamii ja luohpadeapmái guoskevaš árvalusa dahkamis;
- 6) mearrida meahciráddehuslága 27 §:a 2 momeanttas oaivvilduvvon dáhkádusa addimis;
- 7) mearrida Meahciráddehusa doaimma siskkáldas goziheamis ja riskkaid stivremis;
- 8) mearrida beaivválaš jodiheaddji doibmii guoskevaš soahpamuša eavttuin;
- 9) mearrida beaivválaš jodiheaddji sadjásaččain;
- 10) mearrida árvalusa dahkamis Eana- ja meahccedoalloministeriijai beaivválaš jodiheaddji eretcealkimis ja meahccegeavahanhoavdda virgegaskavuoda eretcealkimis ja heaittiheamis;
- 11) mearrida árvalusa dahkamis Birasministeriijai luonddubálvalushoavdda virgegaskavuoda eretcealkimis ja heaittiheamis;
- 12) giedahallá Meahciráddehusa dáfus eará guhkásváikkuheaddji dahje prinsihpalaččat dehálaš áššiid ja mearrida dain.

3 §

Mearrádusdahkan stivrras

Stivra čoahkkana ságadoalli, dahje jos son lea eastašuvvan, de várreságadoalli bovdehusa dihte.

Stivra lea mearridanválddalaš, go ságadoalli dahje várreságadoalli sihke uhcimustá bealli eará lahtuin leat čoahkkimis mielde.

Stivrra mearrádusat dahkkojuvvojit ovttagardán jietnaeanetloguin. Jos jienat mannet dássálagaid, de mearrádusšan šaddá dat oaivil, maid čoahkkima ságadoalli lea guottihan.

Stivrra lahtus lea vuoigatvuohta merkehit iežas spiehkasteaddji oaivila beavdegirjái.

4 §

Báلكámávssut

Stivrra lahtuid ja ruhtadoalldárkkisteaddjiid mávssuid mearrida Eana- ja meahccedoalloministeriija.

5 §

Eanagottálaš ráddádallangottit

Eana- ja meahccedoalloministeriija ásaha guhkimustá njealje jahkái hávil ráddádallangotti Lappi, Pohjois-Pohjanmaa ja Kainuu ja Pohjois-Karjala eanagoddái.

Gudege ráddádallangoddái gullet Eana- ja meahccedoalloministeriija mearridan ságadoalli ja várreságadoalli sihke ovcci eará lahtu, geain gudesge lea várrelahttu. Ráddádallangotti lahtut galget ovddastit mánggabealagit guovllu olbmuid, vuovdedoalu, ealáhuseallima, birassuodjaleami ja riikkavulošorganisašuvnnaid. Ovdalgo ráddádallangottit ásahuvvojit, de Eana- ja meahccedoalloministeriija bivdá áššáigullelaš eanagottiid lihtuin sihke Meahciráddehusa doaimma dáfus eará dehálaš čanasjoavkkuin árvalusaid dain olbmuid, geat välljejuvvojit ráddádallangottiide.

Ráddádallangoddi galgá:

1) addit Meahciráddehussii cealkámušaid stáhta eana- ja čáhceguovlluid geavaheapmái guoskevaš mearkašahtti áššiin;

2) dahkat Meahciráddehussii árvalusaid báikkálaš olbmuid sajádaga vuhtiváldin dihte ja doaimmaid oktiiveivehan dihte Meahciráddehusa doaimma plánedettiin.

6 §

Sámiid ruovttuguvlui ásahit oaivvilduvvon ráddádallangottit

Eana- ja meahccedoalloministeriija ásaha guhkimustá njealje jahkái hávil ráddádallangotti Eanodaga, Anára ja Ohcejoga gielddaide.

Gudege ráddádallangoddái gullet Eana- ja meahccedoalloministeriija mearridan ságadoalli ja várreságadoalli sihke čieža eará lahtu, geain gudesge lea várrelahttu. Ráddádallangottiin galget leat Meahciráddehusa, Sámedikki, gieldda, bálgošiid, guolledoalloguovllu, stáhta vuovdedoallooasussearvvis addojuvvon lágas (235/2016) oaivvilduvvon oasussearvvi, ealáhuseallima ja gávppálaš guolásteaddjiid ovddasteaddjit. Anára gildii ásahit oaivvilduvvon ráddádallangottit galgá leat maiddái nuortalaččaid siidačoahkkima ovddasteaddji.

Sámiid ruovttuguvlui ásahit oaivvilduvvon ráddádallangoddi galgá addit Meahciráddehussii cealkámušaid ja dahkat Meahciráddehussii árvalusaid vuovdedollui, stáhtaeatnama vuovdimii,

oastimii, lonuheapmái ja láigoheapmái sihke luondduriggodatplánii, mohtorgielkájoholagaid ja -vuojuhagaid plánemii, meahccejohtalus-, meahcástan- ja guolástanlobiide sihke stáhta čáziid guolledoallogažaldagaide guoskevaš áššiin.

7 §

Ráđđádallangottiid doaibma

Ovdalis 5 ja 6 §:s oaivvilduvvon ráđđádallangoddi čoahkkana ságadoalli, dahje jos son eastašuvvan, de várreságadoalli bovdehusa dihte. Ráđđádallangoddi leat mearridanválddálaš, go ságadoalli dahje várreságadoalli sihke uhcimustá njeallje eará lahtu leat mielde čoahkkimis.

Ráđđádallangotti mearrádussan šaddá dat oaivil, maid eanet go bealli čoahkkimii oassálasti lahtuin leat guottihan, dahje jos jienat mannet dássálagaid, de dalle mearrádussan šaddá dat oaivil, maid čoahkkima ságadoalli lea guottihan.

Ráđđádallangotti ságadoallái, várreságadoallái ja eará lahttui máksojuvvo máksu čoahkkimii oassálastimis Ruhtaministeriija čoahkkimávssuide guoskevaš guđege gustojeaddji ávžžehusa mielde. Čoahkkimii oassálastimis ii máksojuvvo eará máksu.

Eana- ja meahccedoalloministeriija mearrida dasa lassin ráđđádallangotti ságadoalli, várreságadoalli, eará lahtu ja várrelahtu beaiveruđa ja mátkegoluid buhttenákkain.

8 §

Vuosttas ruhtadoallobadji

Meahciráđdehusa vuosttas ruhtadoallobadji nohká juovlamánu 31. beaivve 2016.

9 §

Gomihuvvon lága vuodul addojuvvon ásahusa heiveheapmi

Stáhta fitnodatlagádusaid ruhtadoalus ja ruhtadoalloahpaheamis addojuvvon stáhtaráđi ásahusa (160/2004) heiveheapmi Meahciráđdehussii nohká cuoŋománu 15. beaivve 2016.

10 §

Fápmuiboahhtin

Dát ásahus boahotá fápmui cuoŋománu 15. beaivve 2016.

Helssegis cuoŋománu 8. beaivve 2016

Ealáhusministtar Olli Rehn

Hálddahusráđdi Vilppu Talvitie